

唐
文
續
拾

唐文續拾卷八

榮祿大夫二品頂戴前分巡廣東高廉道加四級

臣

陸心源輯

神智

長壽中僧

造象記

詳夫安居三日未下神儀道樹六年尙隔靈軌是以
三千刹土百億大王各寫真容僉慕聖跡□如來之
相好四八無虧工妙質於荆山三千具足神智私祈
覺力遂感玉裕姿星彩同嚴日暉圓□夙願克成□
符靈相□一方□善非涇壑所遷六度居心非江淮

能變報同指掌義無差惑比邱神智上爲聖神皇帝
下及師僧父母一切含神法界有情咸沐此因俱昇
仙果大周長壽二年歲在癸巳七月十三日神智記
刻石

慧忠

山陰冉氏子爲僧居南陽白厓山肅宗徵入京大厯
十一年卒人稱南陽忠國師

般若心經序

夫法性無邊豈藉心之所測真如非相詎假言之所
詮是故眾生浩渺無窮法海汪洋何極若也廣尋文

義猶如鏡裏求形更乃息念觀空又似日中逃影茲
經喻如天地何物不從地之所生諸法唯指一心何
法不因心之所立但了心地故號總持悟法無生名
爲妙覺一念超越豈在繁論者爾

金石
續編

肅然

建中時河內龍興寺僧

窄澗谷造像記

庚申之歲唐建中元年二月十日河內龍興寺僧肅
然先天寶十四年冬至乾元初頃遭艱難所願蒙大
悲加備至大曆二年春發願不坐僧房不食常住不

同僧私養頭陀出居於窄澗谷□魏太平寺千佛巖
下住經一十四年方召得□工敬造阿彌陀像一龕
今已功訖用答先願上奉爲大聖文武孝感皇帝聖
躬永壽帝業恆昌州縣官寮常居祿位師僧父母常
保安樂過往先亡願神淨土十方施主法界眾生同
登覺道

刻石

道邃

貞元中天台僧

付法文

比丘僧道邃稽首頂禮天台大師竊以法王出世一

音演說機感不同所聞蓋異故權實之義接於諸部
大小之文森然殊流要其所歸無越一實故曰雖示
種種道其實爲佛乘又曰開方便門示真實相喻之
以眾流入海標之以不二法門自他兩得同詣祕藏
此經所由作之所以雖洎鶴林滅而法網散神足隱
而宗殊塗不若只是得一心三觀而取證如反掌而
一言一心三觀者本體不生能離因果常住不滅遍
一切處當知天真獨朗之一言本來所具之三諦也
三卽一相亦非一又曰非異一相一切相相卽不相
卽不相卽非相非無相故此謂一言唯佛與佛知一

切法教本一切法義中一切戲論息也雖名一心不通義理雖稱三觀不及毀讚是以經曰諸法寂滅相不可以言宣又曰諸佛兩足尊知法常無性佛種從緣起是故說一乘說一心三觀只在斯一言而已於是古德相傳曰昔智者大師隋開皇十七年仲冬二十四日平旦告諸弟子曰吾滅後三百餘歲生於東國興隆佛法若有感應先呈瑞靈則一法鑰投空倏忽而入空舉眾雖慕瞻終不知所屆云云而今聖語有徵矣遇最澄三藏不是如來使豈有堪難辛然則開宗示奧以法傳心化隔滄海相見杳然其持物慧

同會龍華大唐貞元二十一年歲次乙酉二月朔癸丑十五日丁卯天台沙門道邃付日本國最澄三藏日本隣交徵書

至禪

元和中僧

王藥藏等造經幢讚

蓋聞佛本無形假有形以起信法離文字獲文字以全眞佛頂尊勝經者昔三藏佛陀波利見妙吉祥口封堊甫口山口穀水有清陰素流之美卽河南縣金谷口之口地勝人蕃邇邇百家皆崇十善聚五郡孰

不欽諾社錄呂秀等悉心福門皆嚮熟王君之聲矣
早歲寫經畫幡今又建陀羅尼石幢刻經咒之口王
君等各願合家清吉支離遽還五穀豐繁四時叶序
時有唐元和六年辛卯獻春景申朔十五日庚戌
帝城之右洛莞之傍魏封之里信心爲良結社延慶
奉賴我皇儵斂金帛堅茲經幢

石刻

淨觀

元和中零陵寺僧

零陵寺井欄銘

此是南山石揭來造井欄留傳千萬代永結佛家緣

盡意結功德應無好壞口同霑口福者超於口界口

維唐元和六年歲次辛卯五月甲申朔十五日戊

戌沙門淨觀于零陵寺造常住石井欄及石盆水充

供養

下泐十二字惟大偈二字可辨當是題名

道明

元和中壽陽楞伽寺僧

壽陽縣大樂山重修古楞伽寺碑記

楞伽寺自古有之元和中僧道明遂見此寺破口眾人所請爲國崇修及諸功德并造神碑一所以記之切維大唐之治天下也紹堯舜之風重釋迦之教皇

風枝於萬國佛法垂於三千其有敬之者福生修之者果滿何以知其由也覽異記云周昭王表瑞之年至聖降生西域漢明帝肇帝之歲法海東流道明所恨生逢於佛後沉淪於苦口錫巡於五臺清涼聖境朝禮靉靄之處神光百變夜覩苑煌之聖火艷千燈雖不見大真身願沐慈光從茲有願晏坐林間得邑中信士王龍張毗等於厯八之歲禮請留住此山乃登毗雲林俯瞰幽谷固侈奇狀殊異眾峯其山也礮礮磅礮接五口之兩崇崩嶷巒巒倚九天之一柱朝參暮禮了達善緣是以理與心明素非仁智之流豈

能皈向如來而重修此寺哉寺名古楞伽者金園界
畔而明也東至峯神廟西至礪石山南臨上馬平北
據默峪澗此寺之四至也發金之地猶徧以廣其規
斬崔嵬之山砌石爲階旬日乃成然以樑架長空屋
成平地疊軒廊以口檐疊層坡以堯峩丹桂煥施兮
光映朝霞寺虛清極兮晶含夜月四眾回向三縣歸
依敬禮三世諸佛及諸功德尊堂口等蓋法無生滅
位列生人自屋自居此山此向俗年八十有七成斯
功德以彰不朽之名所有造碑功德宜勒於石上祝
聖壽遐昌唐王永久握乾風以輦萬邦來驛貢以朝

萬國仙觀神山永鎮無疆故記 大唐元和六年歲

次辛卯六月甲子朔太原府壽陽縣大樂山古楞伽

寺住持道明口立

石刻

國威

長慶中成都府沙門

佛頂尊勝陀羅尼幢記

蓋聞三光有象燭萬物而可尋大地分區鼓陰陽以

挺埴宣尼闡五常之大則忠孝君親玄元立自然之

宗設無爲之化雖不言之教理缺因心所期苟有恤

人之志而況吾師正覺成就神通事顯多門開祕密

教摠攝口藏統御十缺可隨平施財生靈口等缺佛

頂尊勝陀羅尼矣加以傍生擾攘家影觸而惑苦頓

缺

身不受口利恨空來而無益悲往西方文殊申誨

勸以殷勤喜得東夏自是而後勝口之相興焉或標

之以四衢或建之以迥野非定方所弘之者人畿亭

異隅捨布金之

缺

知人天之淨界非遙迴換口足指

之口有苦神策都虞候侍御史史公公氣直而方志

柔而剛不吐不茹逸盤根而必錯寸陰是覺嗜片善

而克修乃與摠持社邑人司

缺

力檀施聿建茲幢公

等一結真侶三口體口歷寒暑而松心自貞更變移

而石席口卷或青鳬見捨或轉乞傍人

缺

國爲家刊

乎貞石冀滔滔巨福逾法界而無窮聖善遐敷與天
長而地久國威不敏見託爲文心以表言直書其事
時大唐長慶甲辰歲十月冀落十二棗記

石刻

義林

大和中內供奉三教座主安國寺賜紫沙門

尊勝陀羅尼幢記

瑜珈論有十支一曰高建法幢支幢以高

缺

玄契可

以震攝魔魅驚駭神鬼滅除障累增益勝福由是波
利宿因文殊普化善住生天行願之事難可具記若

有珣石琢玉而建立影而而右龍武軍正將兼押衙
懷義恭而有禮孝以竭力信則因心奉爲亡考六郎
於其墳所建立花幢以資魂路缺陵谷遷而不移桑
田變而不改實可謂貞古矣大和二年十一月廿日
記石

圓鏡

開成中青龍寺僧

回日本僧實慧等書

開函見書信增頂符雖鄉居海外人近日宮知音之
道不遺重教之誠彌切今我開成皇帝化周四極八

表來朝聖德巍巍皇道蕩蕩左衛功德使驃騎爲股肱之濟濟實文武之薈薈粵在鴻濱渤海巨浪之東是金烏玄象始明之地乃陽德之出處也國號日本卽曦和之直上翔于天乃輝赫之域也國君命宰臣使朝宗我大唐因知彼土大師八人等並習胎藏大牟尼法宗金剛界光明相會學蘇悉地密嚴威儀悉是故空海大師去貞元中來此國投之故內供奉灌頂教主慧果和尚處習學至永貞初還本國弘三部大法爲彼土大灌頂師遂有門弟子八人奉教流化乃西望瞻我祖師之靈遂奉冬夏法服口羅之珍魄

不遠乎數萬里來寄之也并練繩廿匹綿一百屯荆
刀廿枚并牋素等物敬以捧投之皆列之故大師影
前十一人等垂啼寫塔拜首墳前感異鄉之重教媿
殊國之懇誠也今相國使還傳燈師歸國當之今月
春風習習鸞吟新聲流水涓涓冰開舊沼去去君意
遙遙我心謹附書於東國傳燈大德阿闍黎等首春
尚寒伏惟動止康裕圓鏡等與此國諸大德等並蒙
國恩悉安法儀伏謝遠遺珍奇物及方物頂荷之誠
翰簡難喻此地亦奉酬之信備如別紙并經法道具
等俯望幸賜檢到雲路阻遠滄波淼然望東日以瞻

之申西天之同志既法無異源亦期之於華藏謹附
狀不宣謹狀

開成四年正月卅日大唐青龍寺內供奉三教講論
大德沙門圓鏡傳教內供奉持念大德當寺寺主沙
門久正傳教內供奉持念大德沙門令則同常明同
義真同法閏同義丹同常堅同義圓同文賁同契宗
狀日本國律大德傳燈大法師實慧阿闍黎等座前
謹空

日本隣
交徵書

義真

開成中青龍東塔院僧

送日本僧實慧物狀

青龍東塔院傳法灌頂承襲弟子義真等十八人上
信物道具經法等五鉢鉢一三鉢杵一獨鉢杵一已
上三事故大德慧果先師受持道具充空海阿闍黎
影前俱養金剛頂經真言教法共五十卷羯磨杵一
金剛輪一獨鉢杵一三鉢杵一白穀子二匹黃屑異
紋綾一匹褐結紗一匹雜綾四匹兔褐綺一匹白熟
滑州紗一匹黃綾袜肚二紫綾袜肚二黃綾香畫褥
子一紫羅履一白疊手巾一右件物伏望不責輕渺
遠國之信也其物并請實慧阿闍黎與圓行阿闍黎

唐文粹卷八
等九人同受用分散謹狀上開成四年閏正月三日

傳法阿闍黎義真等

日本隣
交徵書

智本

大中時百巖寺僧

百巖寺奉勅再修重建法堂記

唐之勝氣壯懷川之佳景者太行山焉其山東連白
鹿西接口壇南眺盟津北暨燕岱中有山曰天門岌
然巨峯崱矣橫帶上插雲漢下口溟壑瀑布懸界噴
浪騰空靈泉湧沙分流散谷窄澗確犖盤石崢嶸口
口千尋磅礴口丈古松偃蹇點翠屏以如粧嵐氣氤

氤口碧岫而若冠孫登臺口時聞虎嘯之聲王列泉
邊每聽鶴鳴之響劉靈縱酒三年偃處猶存嵇康劔
口千載遺蹤尙在齊代長老稠公宴息茲口以立基
築至于周末神僧談經巖窟聽徒每之飯自天來香
從空降時因百家逃難隱竄茲巖猶此寺題號百巖
矣寺之所致四百餘秋更替摧殘三口興廢及我唐
貞元歲有章敬大師師自清涼下幽薊登徂嶰屈茲
寺翫林藪以暢虛心矚巖穹口口道味口毳三霜門
禪四序凡厥所止道俗如市後憲宗皇帝遠嚮德風
徵遂至京以致國師之禮口繼其蹤有范陽大師師

亦章敬之倫肩也聞巖寺之勝瞻太行之絕口徒五
百道示一乘卜寄茲山禪樓口載後虛劉公遵欽至
道邀口遠赴重以師資之敬口後名德繼踵如燈續
燈法眼相承明明不墜卽余之先師師諱神悟紹國
師之後兩度登攀襲章敬之風三秋宴坐屬先皇釐
革毀廢伽藍佛像摧頽僧尸口道明勅旣口莫不遵
行官吏頒宣敢不從命于時會昌五年夏五月十八
日其寺廢矣傷夫巍巍大厦翻爲瓦礫之堆口口金
容變作泥沙之聚仰天何訴撫地何依謂言永滯口
風豈知再覩遺像至六年夏四月武宗昇霞今上御

口纔登寶位便啟洪恩創治萬機更宣進口古蹤靈
跡口口修崇州府伽藍口口舊額轟轟天下浩浩四
方咸仰聖恩率歸王化 會昌七年春三月革號大
中口居四年秋九月有百姓修葺口口口景安通
性等覩靈山之舊跡感聖上之深恩乃投款於宰主
杜公啟誠言而欲再造杜公乃圓解申口將聞郡主
主左庶子李公口覽詞擲筆詳而許之至其年十月
十三日符命下縣便令修建於是剪荆榛口蒿口豎
立尊容安施僧室紀綱楚楚典口煢煢皆戮力同心
口志霜操者也時余因遊舊山躬登陟見山門興廢

悲喜交集爲僧眾口留感荷銘口再言未諾及有同
學弟智宗懇志精誠願造法堂請余允受乃與之言
曰堂成決契宗弟敷口口教口契心源不言而化任
道而行抵于平陰遇隴西李公諱讓言口欸口口之
於言李公乃特達丈夫英明哲士一言道合決口口
口便捨珍帛賁往口口未逾旬月李公倉卒膏肓在
躬奄忽而終已去塵世嗚呼有匪石之志無終賁之
堅口口口構泉綿綿宗公弔乎孀妻暨乎而姪口男
景宇果終口願更持賄賂便以興工於是命姪口口
匠碩剪材截梓運鋸飛金口紀未盈巨功告畢其堂

□□中巖之壯□□一寺之□儀□□臨主壑之巔
岌岌聳□□之勢四角□□昔日相□鎮□□之前
後踞南山而手□□禪□妙通昏接晝萬古□□
功罕究命余爲文琢珉爲記刼石齊堅永永不墜大
中八年十月五日記

金石
續編

後素

唐左臨壇大德青龍寺沙門

比邱尼又玄建經幢記

缺唐女精舍地靈本秀多出奇人果應斯瑞僧基之
缺皇檢校左散騎常侍兼少府監充內中尙使兄公

缺 尙軍奉御姪當前明經姪楚卿見任左清道率府

缺 之歲有功德季內僧錄賜紫尼澄素頗承 缺 栖止

遂落髮於九重之內授具於萬乘之 缺 文皇帝謂曰

空門高口多尙頭陀不親王侯豈 缺 遂止唐女與愛

姝智幽同黎李父大師 缺 繼踵乃吾心之嘗分耳豈

假苦多 缺 而後 缺 珍口得馬鳴之深玄領空中之妙

旨但 缺 輦學士 缺 州居雲水值松栢 缺 厯 缺 用懷 缺

曰善事端至理有口歸付法自 缺 得口和 缺 悅遺誠

纔畢奄然而口春秋四十有九僧年三十夏 缺 不專

遺共保清規選殊 缺 鄉孝 缺 所託後素口中昆弟備

悉缺

缺

玉磬音哀金言口悅永隳煩籠獨超鞬屑石刻

德徽

唐孟州僧

懷州豎立生臺記

夫離離秋月出眾星以舒暉皓皓釋風載四流而稱
聖是知教傳永代寺啟多方益皇化以及黎居福羣
生而資異道若乃山陵鶴路院貫幽巖一帶之雲岫
凝凝百處之欄房灼灼卽太行美矣又以歲寒潔志
道抱清風葺金地以集雲流營孤藍而來士侶實乃

塑採月象構監徘徊裝飾而談色咸臻焚睹而氛氲
其霧爰有孟州支郡河內英聰紹給孤之前蹤繼祇
陀之後路水精玉地金石齊昇損家俸以登殿基捨
珍財而平紅字王晨之歲月候青陽營香積以供雲
流陳素文而讚上善伏願皇畿昌政長垂舜祀之榮
大業永隆時同堯光之茂遍流沙界資品彙而超因
次及郡風運福星而有慶功圓匠畢補砌復周謹具
芳名以清永固

河內志

元英

唐慧化寺沙門

雲居石經山頂石浮圖銘

夫立身行道者揚名於後代樹善崇德者狀苦於將來蓋所謂異軫同歸殊途合迹至若周惠博利廣口溥口修梵福而出塵勞拯幽靈而祛口業其唯釋教歟此浮圖者清信佛弟子劉元望弟定遼弟文立姪男陪戎尉志貞姪男志敏并出家妹法喜法口奉爲先亡兼及法界所經始也元望等悲風樹之難停痛口口之易踐每懷其鞠育仰口榮口口酬陟彼高崗思父母之勞瘁以爲福因業感感口則福臻行爲善成成功則行著口割金帛勵同緣就此山龕聿修嘉

口爾其丹壑青谿蓄雷雨而口虹霓口巒秀岳插雲
赧而擎素月於是審口口揆方圓樹口口之寶口口
九仞之口塔徒觀其天近裁規口口口伐口口口琢
雕口口玉磅礴岌岌恍如空口飛來鬱屈亭亭又若
口口口出火珠口晶不夜而星流粉壁口輝無雲而
雪落後漢書口口儀丹青飭以相鮮金碧籠而
軼耀度願妙緣遐被高勝永存滇壑口而有期口口
口而無泯口銘曰

有至人兮生西方眾魔而坐道場 尊天兮越北口
口羣旨兮泯空色神用兮尅周口迹兮彌留法體闕

於圓寂□□播於閭浮有孝子兮荷□懷念先君兮
懷岡極捨五介之珍財壯□堅之妙力□竭誠以昭
應仗浮圖而匡翊度□□而福資速超昇於淨域石刻
思敬

後唐長興中淨土寺僧

尊勝經幢記

維大唐洛京河南府鞏縣淨土寺今於當寺建豎尊
勝經石幢伏願皇風永扇玉蘂連芳內外羣臣惟忠
惟孝次願鎮縣官寮惟清惟政先亡父母師僧和尚
及兄楊簡姪楊璠當處土地護伽藍神前後亡歿師

僧伏自所年兵革非理煞傷觀茲勝因早證菩提之道長興三年壬辰歲八月己酉朔廿二日辛未建立刻石

希甯

晉天福時僧

金剛經讚

祥夫金剛經者摧邪顯

缺三字

相理事

缺一字

圓串

缺二字

空

缺一字

實

缺一字

口圓迥異遂於祇圓會上悲

缺一字

海

缺一字

中流三乘於國土接五柱於世間是知

缺一字

柱中寂

假名言之方顯乃有信重姓李名恭經持二萬五千

餘遍懇

缺四

一齋心素身而戰馬

缺二

咸化

缺二

曾

遭水溺廣闊而渺漭無邊如同陸地無殊曾無少損

此皆持經靈

缺一

豈昧聖慈方欲顯示於信心乃幸

歸於逝水然今清信孤

缺一

萬達奉

缺二

過

缺一尊

靈宿

缺一

舊願志

缺二

嶠未遂躋還掩歸長夜孤子

萬達受父母之嚴訓關骨肉之深情

缺一

咸有爲之

賄

缺一

崇無上石壁之經所貴不昧平生上報敏勞

之澤粵以大晉天福三年歲次戊戌四月戊寅朔十

五日敬鐫石壁金剛經一卷斯乃岳

缺一

峭峻嵯峨

之迴出羣峯碧岫崢嶸巖崑之

缺三

嶽實住佛之勝

境爲此土之良因山名合玄之山寺號太平之寺遂

缺一字公舒仰睇歎以其能王耳澄眸嗟其罕有伏惟

堯雲永布舜日長明玉葉金枝光榮萬嗣冀以三途

八難法界異生見在先亡俱登證覺乃爲詞曰

惟有此經諸經中上持缺一字有靈十方無量其巖谷

深遠潜龍膺息鶴翥青霄水流碧澗其孤子資薦志

醺往願經壁周圓定生勝善其本智證真毫光徧清

動念纔生圓鏡以心其四刻石

戒貞

周顯德中修行寺僧

周西京修行寺故講律臨壇大德賜紫尼戒恩
尊勝幢記

佛興西土法自東傳教明了義之因各顯修行之果

大德尼法

缺

修行寺講律臨壇大德尼慧燈手下出

家得遂披剃進

缺

講律臨壇秉法度人眾推孤節蒙

留守太尹太師侍中聞其戒行清高勳表聞天於廣

順二年七月皇帝永壽節宣賜紫衣至廣順三年三

月得疾

缺

顏同學等六人善因悟真了真戒通戒恩

五人並已淪沒

缺

力進身比望永紹宗門長爲法乳

何期壽命短長遽歸淪

缺

佛頂尊勝陀羅尼真言幢

子況佛頂尊勝陀羅尼者於永淳缺賴佛陀波利號

如來智印喻曰藏摩尼顯彰七反之功招感諸佛之

缺塵霑觸免三塗種種之形類受千劫重重之福因

經載難思佛稱缺結菩提之眷休成離恨之緣罪若

冰銷魔如電散然願見存法缺切含靈普沾斯善時

顯德元年歲次甲寅二月丙午朔二十四缺修行寺

講律臨壇大德戒貞記石刻

傅允一作光

前蜀武成中慧業羅漢院僧

節度使琅琊公造尊勝經幢記

原夫佛心廣大教紹恢弘牢籠法界之口間缺之口

佛頂尊勝陀羅尼經九十九口言中口洞宣讚三藏

三口教內於口口口真言羣稱祕密缺我佛由本誓

願缺嚮息羣生之雨駐鐵城免善住之花菱口髻纓

宣章句頓曉甚深喻某日之昇空煙霞莫滯等炎缺

停人間之賤業同口天口之福口口廣缺花臺一貪

懽心口時春登于時口花螺口願師子威容垂決定

言授菩提記龍神匝匝凡聖駢填飄四色花合十指

掌事載竺乾之語經存日策之蹤洎大聖文殊缺五

峯僧足萬眾問言當代口儀鳳元年有高僧佛陀波

利□□□度思慕清涼逢化相之勸迴取深經而復
至旣尊聖約其契悲心時君親發於御題法侶重明
於季日龍辰翻譯鳳詔施名使佛利僧□或高樓絕
頂相看俯□影拂塵沾今樹立經幢必垂普總勝利
今安昌舊宅慧義靈山雖樓臺之宏壯未全而景趣
之登遊可尙有羅漢院主師顏上人□化羣心已興
堂宇伏週令公與時降瑞保國□□□入法之禾□
得九天□□術匡扶帝缺兩府咸清於惠化二年立
頂缺堯聰尋傾舜澤甯論缺神祇洽□草木昭蘇二
江同□於恩□五郡橫鋪於喜色而又去民暇日專

心福田數十處之伽藍荒殘累歲百千貫之物用平
缺念以華構維成高幢不立口尊眷屬發至誠心造
此經幢永爲福祐台恩缺鐫口貞石於缺屹若萬年
永固傳光口依釋教獲奉陶鈞缺記石刻

文口

周顯德中開元寺賜紫僧口照大師

周邦郡坊里社眾勸修六曹軒宇四時祭敬記
并序

口夫幽顯難昧陰陽詎測大則口山口績列祀典以
欽崇深則地府冥開標祭書而敬奉變通口口徵感

□靈應虔以□流慈逖諸沴膏逐齊莊而去德□百
殃□是以清廟聿興嚴□□壯三□四□□當陳如
在之勤萬井九流□脯薦至誠之歛祝其謹□□以
威容苟或時旱傷苗頰霖雨之沃□□□□□□
□之權衡怒目張而魑魅偷□□□開而休徵顯被
露霏電□瘳□冰消皆憑收捲之功密伏慘舒之力
精繭筐筥之餽□鮮蘋藻之登鑽仰玄猷披戴陰隲
其來久矣孰敢漫焉惟六曹上德九□名寮冲和別
置於天然朗悟殊凌於坤府山含玉潤珠貯川明正
直難□守位甯私於盱嚮英襟莫擬當仁何啻於優

庸肯託名以爲妓未因河而作恠同口泰嶽各掌一
司羽翼天齊股肱王室揮毫案牘人倫之事有盛衰
指顧史官鬼部之情懸憂樂吉凶俯仰禍福華夷應
無迂曲之口自有翕張之理撫忠讜之流輩漸陟亨
衢懲姦宄之儕僚遐埋穢跡蘊茲貞固之問譽動陰
君叶彼委錄之宜運符幽贊朱袍口簡儼然臺署之
姿玉佩金章煥矣鴛鴻之列爰有坊郭邑鄉墅社公
等人各抱謹恪俱懷柔良侃侃風彩門門儀容寒松
之節槩難移璞玉之溫朗易秀或隸職轅門或業居
商賈知機識變見義行仁能炳誠於探湯善人交於

淡水公暇相誨口口同籌口口生各便於經圖濟活咸
充於贍給歲忻靖泰物樂豐盈承一人垂拱之恩普
安閑放荷二天袴襦之惠盡慶優游左右忠良內外
齊肅撫我厚我懷德懷仁曷無禱祭之勞胡答休祥
之澤須憑香火用報神靈繇口其竭丹衷鳩會祗醮
一約卒集久釀鑑鈇始天福口年屆廣順三載凡經
一紀罔替初終擇地慎材規墟構棟雅容肇塑想玄
室之儀口美狀方圖挺陽間之氣骨分曹列局若窺
綠算之文端秉正形如慎憲章之理四時殷薦六珍
嚴具紅鱗白鹿殫水陸之新鱸清酌紫萼畢庖餽之

甘滑至於車舉壯飾金碧相宣厖馬雄強丹素交瑩
向司方而竦敬漑漑傾情對員位以肅恭勤勤初洗
所冀降靈就玷歆胙臨床執盃肆意於蘭漿猶乎夜
飯下筋口口於鼎實勿類羊羹率奉少牢妄邀多福
俾夫帝力廣運逾八極而混車口相府永居伏一方
而降惠愛上卿小相實敦毗贊之能右臧左寮閔益
匡扶之略然後龍調十雨互川之稼穡有秋兵戢三
邊通野之樵漁口畏老少富壽泉貨奔弋遠者來而
近者安亢者臧而勃者遜百祥五福貽慶緒於社人
三苗四凶殲叛亡口徒黨將俟夫勦力無怠拳口有

修宗厚地之列官奉明神之享禘遂索貞珉於巖崎
鑿肩屬之形軀聳奠巨鼈雕鏤大篆口古不古勿迷
苔蘚之痕劫灰莫灰更麗菁華之跡何將盛事見顧
非才刊辭未弃於斐然撫拾終慙於莧爾乃爲銘曰
厚壤諸英正直聰明無阿無讜心平理平縻賢掌簿
任材司冥批殞錄毘注活蒼生虔祈錫祚昭告口情
薦之薄醴嚮于至誠功潛護物力著加貞岱岳良佐
崇山福星曹局惠愛邪僻消停塑象興宇列饌唯馨
牲牢肥腍漿液潔泠勤拳儼肅竦慄惕兢粢盛歲序
車馬縱橫楮口茂贊彩妓繪繒春憑夏禱秋賽冬蒸

奠醑殷恪固有專口皇屋基壯堯舜聖名紅旆鎮永
龔黃令聲三辰耀明九土和甯休牛放馬務農銷兵
漁歌樵唱富口鬱興最肩口酒無敢漫輕公私亨叶
上下登昇福謙助順獎善禍盈兇殲蠱削地平天成
風調雨穆海宴河清口珍龍口隸篆黿擎撫詞記事
萬古千齡顯德元年歲次甲寅八月癸酉朔二十八
日口已建石

唐文續拾卷九

榮祿大夫二品頂戴前分巡廣東高廉道加四級

臣陸心源輯

馬元貞

天授中金臺觀道士

奉仙觀投龍記

天授三年歲次壬辰正月戊辰朔廿四日辛卯大周
聖神皇帝緣大周革命奉勅遣金臺觀主馬元貞往
五岳四瀆投龍功德十六日至奉仙觀沐浴□齊行
道懺悔廿一日於濟瀆廟中行道上神衣辰時在路
日抱戴廟中行道日又重暉宣讀御詞雲垂五色□

□□至廿四日章醮訖投龍日開五色又更重暉官

寮

缺同見弟子楊景□弟子□□五品官楊君尙

歐陽智琬同見官人朝散大夫行濟源縣丞薛同士

同見官人宣義郎行主簿王智純同見官人承奉郎

行尉薛元杲同見官人登仕郎行濟瀆令孟意誕同

見人上騎都尉

缺

同見人□□尉行

缺

石刻

李昭宗

昭宗天寶初開元觀道士

請改觀額奏

本觀先是清都觀勅改爲開元觀屬玄元降符陛下

加號往年改額題開元文字今日崇號合兼天寶之名其額望請改爲大唐開元天寶之觀

唐會要

胡伯成

大厯中自署潛邱道士

鐵元始像讚

并序

道者一氣元二儀始寂兮無爲之理其形也從本降迹拯拔生靈則有元都聖容焉天尊仙衛焉有若河東節度兵馬使開府儀同三司張公英果絕倫宏略冠代志清國難戍此累霜初則環山作城班輸望之息計終乃弘道佐主有苗於焉來格遂銳精足巧範

鐵莊金煙霏霞裳鏡寫河目仙聖之臣斯覩無俟射
山肆覲之禮獲申不殊台嶺則知公之守則固戰常
剋皆慈衛之力也雖勿受福人神其捨諸成忝玄門
墨卿敢忘讚述銘曰

大羅虛皇號元始陶冶乾坤度生死張公範金列于

此保國甯家千萬祀

陸耀通金石續編

承天軍城記

易稱設險詩曰千城蓋陳述公侯藩扞王室者也晉
東東山井陘者昔淮陰伐趙之路控天作險蹙地成
隘一夫奮守可以當萬皇六葉賊臣惣燕師者師漁

陽雜虜踰盟津突函谷有切天下之志時元戎薊公
慮侵軼于我乃申命開府張公奉璋嚴戎式遏公謀
包百勝雄入九城名惶赫犬戎容仿髴麟閣旣至登
鶴鵲洪中頂四顧而歎曰敵在吾目中矣束其口扼
其喉若茲乎遂度地勢籠山鐵谷築登登削馮馮未
浹辰而畢其繚崇隲于巖半百雉雲矗冠小城於峯
巔萬仞天削設以樓臺實以軍府鐵騎千匹虎賁萬
計旗拂霄紅甲曜日白於是明之以斥埃嚴之以賞
罰使夫見可而出逐彼者易於轉圓知難而守攻我
者難於上天則雖雲梯百地道千班輸再生莫吾及

矣其發石也星落乎九天之上伐鼓也雷鬪乎六虛
之表飲馬也澠池可吸而竭奮力也常山可踏而倒
豈止暍食負刺屋振瓦飛而已哉城成帝嘉之號承
天信承於天也公又於黃沙口築德化城示懷也慕
榮隘築滅胡城示威也復聯建三堡絕細逕也由是南
北千里東西兩鄉飛禽走獸不得橫絕矣自祿山首
逆思明繼亂雖中原俶擾而晉陽無東顧之憂以此
豈與夫楚池漢水翦起有一葦之航秦城華山劉項
無橫草之闕所以祆氣日淨我功益崇國步日清臣
官益大故先太尉李司空王公御史大夫管公鄧

公今相國辛公皆伊呂之倫也咸表上聞累遷河東
節度兵馬使開府儀同三司答洪勳矣君子曰宜哉
方將運陶鈞秉旄鉞甯止贊三軍鎮一面而已況此
城隣子房之古戍借箸可追接妒女之靈泉洗兵非
遠曉窺溟渤將日觀而齊高俯視雲霞引赤城而其
色不唯禦寇之所兼亦棲真之地也

同上

曹口高

開元中承議郎行益都縣令

青州雲門山功德記

夫代上以役人間口口茫是非之環均口口之海者

久矣六代祖□□使持節青州諸軍□青州刺史諱

輪□投絜□道被東□□從祖□孝卿剖符□□□

大府久暨紉□□身體□□是郡莫□□丕□□以

冥護字缺六嗟嗟字缺六淨業字缺六羣生□□善□□大

千之化蠲□□□初翹勤字缺六嵯峨字缺五澀字缺五汨沉

養字缺六岡測惟像□能字缺三開元十九年歲辛字缺四

丑朔十五日辛卯京兆□子□□山左金石志

王□名缺

建中中河南府功曹參軍

尊勝陀羅尼幢讚先序

百行之先孝之德也一念之應聖之門也孝莫大於

口福

缺

莫口於通

缺

孔氏何以知

缺四

釋教何以知

福之怙言及意及精歟詳歟

缺四

揚州高郵尉李公

挺次弟前

合尉挹中弟前吉州大和尉揣季弟抃

大弟

缺

先考故滁州別駕樹善之所建也公之昆弟

孝友恭睦

缺

業在詩禮崇不匱之志申永錫之心庶

一塵口口猶迴

缺

百福之因巍如口如是瞻是敬唐

果豈昧昭報存焉見口斯口爲講

缺

孝之大法之先

聖立言理必詮昭其報冥不泯化無窮口難盡李氏

缺

友于痛無怙依孔氏託釋門陞羅尼最勝因訝他

石請刻字唐

下缺五字
石刻

口捻

姓缺

捻官幽州觀察判官檢校尚書主客員外郎

涿州范陽縣文宣王廟碑

天下郡縣悉有文宣王廟而范陽口無何范陽水幽之屬右碣石左督亢流水經其前後有林麓陂池之利至於闔閭井肆之大州梁襟帶之固自河達燕其比不過一二口朝次列縣之級第爲望領戶萬流庸附占者如之兵興人折茲又獨异且陪口口南百里而遙居鄭之陰二百里而近磅礴周廣隱然名區控

扼蕃戎凡五六所大厯初詔剖幽之范陽歸義口知
知爲州口涿郡之地口爲涿第爲上以范陽爲口所
縣遂口州口矣後此爲邑者率以多故未遑建置春
秋釋奠蓋伺州之已事口遵豆寄升降於故階迨今
幽州盧龍節度觀察等使工部尙書御史大夫彭城
劉公建中初假道州縣操口是邑覩茲遺闕喟然嘆
息顧其寮老曰學所以知君臣父子之義者昔在三代
皆鄉里有教兩漢已降罔不述用三德矧今朝廷頒
宗子之詔郡縣早置清廟溥崇明祠今州迂大張縣
署口陳而至聖先師時饗無所豈導人口口口意乎

彼劉昆創祭器爲禮范甯養生徒興化皆所講達萬
類而朝宗至理也吾宰主百里作人父母權輿斯廟
以爲人紀乃視縣前近里之爽塏心規其制口劃其
地度廣狹之量平廬舍之口口彼居人直以官俸口
口瓦口舟鐵之費匠人作徒之要又以家財口之人
不之知廟倏之構聖賢之象備口奠之器見庭除肅
如黎元翕如口不待施而口口口口教而變於是置
食錢二百萬生徒三十員洙泗之風集於朞月時公
年始弱冠方剛之日克明古口君子是以知公奉若
典謨有將來之大矣今廣平守口口介口之口也倚

法不削憂公如私以能名自薊縣而來遷政率山舊
履公之躅守而勿失覩公之爲□而不及學舍異文
翁之後岡□繕修琴堂挹子賤之風恆餘跼蹐歌詠
不足願言發揚見求微詞以載貞石其所□者正於
荊州置廟之實卽夫子□□□蓋存諸史冊且謚
□今人之□豈余頑童敢紀頌焉銘曰振頽周室警
寐殷楹曠千百年炯作□程聖唐御極治致昇平□
□□三□□□明王旣興夫子乃貴苴茅列爵建
廟崇□蘋蘩截海輦曠□思春誦夏絃於焉辨志惟
范□陽於□□邑朝命有作州廷乃立廟革新題堂

昇故級縣案寄奠生徒罷習崇崇大賢昔歲臨茲區
頒勞役克就口祠口矣像設森然其儀風化之源一
至口熙斷斷伊人格居所職食藥苦志戴星任口瞻
我宏規闡我明德口琢琬琰阼階之側貞元五年歲
次己巳二月口口日建刻石

文口

名缺

會昌中鄉貢進士

平口羅口軍兵造彌勒像設平口齋記

盛唐垂業千祀萬邦口口黎民乂安四趣慧土蒲類
暈粥日表燒當象林羗戎彭解長紉口口龜茲口口

猾夏蠻夷口賊姦究莫不稱賢霍正橫天守塞聖皇
之嗣服也龍虎自伏獬獬不生日出日沒附我皇室
此輩馴爲仁焉於是握乾符恢至德威靈天地恩覃
萬彙化原契道沃澤九紘闢四門明四目光臨萬國
典稽唐虞恩浹九夷煦□寓縣闢元元之化播植區
宇廓清妖氣於九口致□生於仁壽況相國撫鎮功
口鈞衡草莽荆新子育毗庶瞻觀口口諭口風教犯
我疆陲敢色蟻鬪之聲口口烏鳶之眾螳螂仰和終
不同食鼎鑊遊鮮詎知煨燼百無一門口保林藪自
恃蝸角之峯口邇榮瀛口口之林菁之險口豕蜎之

口凡一千餘日口擁口口汨良入姦大修戈甲爲日
月不照其醜人鬼不怒口兇相國迺忿然勃色點集
甲兵上將李栖元署都知兵馬使就討除口口口七
擒七縱運五兵六奇幹發事機捭闔圖陣教旗口武
口口口口指顧陰符口令申之約後先太一口布甲
之局天地與之吸噓鬼神與之符口電卷長駟掃盡
妖口破竈不延口口稱勁醜類百數梟雄口卯口州
口大敗口者徒突林麓口兵近襲網無不口逆首黎
宜滿等凡獲十人軍門面縛缺約字口兵於應靈邀截
兇醜不出深計口遇魯懷忠等口促七百餘人燒口

八十□□銳卒遭興□陰襲之時息未移略地誅剪
缺鐵騎布峽山之四隅搜拘山林捕撻□窟穴擒獲

楊九牧不復使兵馬甯□等凡五十餘人並□之缺

鍾山獲申州此一代功績編樹麟閣今冉奮弄難□

歸使不毛之地稱有其人束手□爲不戰而勝勢在

心機恨不得與使越缺與龔黃□將軍有良佐軍倅

太原公精□有謀美材能莅仕是以倚敵□秋陽旋

□□□時當仲氏寓左氏齋日缺五堂穴窟數峭壁

刻彌勒佛像凡一口營並龍□□冀福于缺諸漏略

時會昌七載丁卯歲二月一日記石

王口

名缺

大厯中進士

唐故

缺

和尚肅公影塔銘

口師諱肅然

缺

陽人也口口李氏幼而好學

缺

石

知非有

缺

度

缺

戒

缺

罷

缺

寺

缺

僧

缺

食

缺

人投身物

缺

確

缺

祕丞故蒸

缺

本之口道澄心

缺

嗚呼法無

缺

緣有盡

缺

凝然

缺

八十口僧

缺

人洪

缺

石口影

缺

標

記心

缺

集辛口三月口口其口心成遂口口儀則口

茶毗之得舍利口十四粒口茲其禮也用口陵谷口

述辭口

生于乾□歿于金根□之□□寂□□渾□□□
性□長存其坐嵐□□□宗逸□世有□□□將
畢舍利所□遷葬□室其二河內志

□良嗣姓缺

龍門奉先寺下頌

上三字缺心缺況賢哲之事造缺之經園缺德大缺天缺

長久而況出於其□哉缺之外者缺依缺識大道者

則不然□我缺元輔缺長缺之少子也幼有弘缺代

殖缺遊戲寂樂孝而能缺伊缺幾大缺永言孝思

振起良業缺關塞之首者莫盛於缺就鑽堅行險之

口口使缺恩深缺若乃梯絕梁犵滑口口微缺相圓

而巖空集螟飛而缺能仁口歸功定大乘缺墜缺銜

口口口其缺推缺於至口開於缺動法缺考缺心而

我萬有缺專缺甲子缺容於此辰與缺崩解缺藉缺

者或口功成缺金缺頌曰

上無缺根上缺廉孝近於象教缺迴缺美如韋平缺

年缺秀缺歲口甲子三下殘泐

石刻

蘇允缺字

周顯德時安州防禦判官朝散大夫檢校尚書工部

員外郎兼殿中侍御史按名允平

妙樂寺重修舍利塔碑并序

夫三界之內六道之中無始劫來庶類轉輪其悟者
與物無覓惟道是從眾居則和光同塵獨處則謹身
節用心□□□□□虛常懷濟物之□每抱特□
之□爲人子者能竭其力爲人臣者能致其身欽有
德如至尊愛黎民如□□言而有信富而無驕道本
旣深善根不易從因至果自有入無知一切法空了
一切法性生來死去天上□間□□□□□□陟
漸入□□□□慧水離□□□善者□□爲伍與惡
爲伴愛河廣闊皆但樂於泛游苦海深沈咸不□□

沒溺□知有其彼岸妙肯上於法舡縱達平地之時
還落險道之內既經苦難尙不覺知而□仁義□□
□□□□□□□乏事親者少□□孝事君者鮮
克盡忠既闕五常不重三寶匪植德本詎種福田見
賢無思齊之□見惡無探湯之懼多恚癡之所惱復
貪愛之所□欺誑常行煞害不已無明所蔽有漏相
緣誠同於狼□□□□□□□□□□□□才藝以
取□□□□之□者卽謂已能□之否者匪云天命殊
不知肥馬輕裘珥貂金印貫冠百辟富□千金者宿
種良因曩修勝福之所致也又不知損親捨族剃髮

披緇或諷金經或談玉偈講傳妙法教□□□□
□□□□□□佛寺□苾□有所歸□□□庶有所
依瞻勸彼多人令歸正見者是□□□先佛□弟子
奉佛勅之所然也既因果之不曉而罪福之莫分或
誹善人或謗眞法致三途之內輪迴億劫之中□□
□□不具□□□□□□或疥□衣不葢形食不充
□生生相續苦苦相連如是諸□無時間歇乃有觀
音慈廣救苦□□婆之間地藏願深拔難於閻浮之
內既菩薩施其無畏羅漢化其情心心慙傷頭頭挫
濟尙存□□□□□□縱然□□□功卽劫中道而

廢口抱剛強之性莫從謂佚之言恆執愚迷因離陷
溺慳貪嫉妬之所口口憂悲苦惱之口口煮卽有我
釋迦弁尼佛無量劫前修持苦行蘊慈悲喜捨之道
懷勇猛精進之心或爲流水救口口口澤池或口口
埵飴餓虎於林谷作常不輕菩薩之時則增口慢者
信伏作第十六沙彌之日則妙法華經普聞嘗爲國
王口口太子捐捨世榮勤求大法積功累德從凡入
聖所以超出羣倫成等正覺十號具定十口不共得
四口口口口解脫口口二口八十口好佛身莊嚴翰
墨奚述旣得其深祕藏乃轉不退法輪始於波羅奈

或於忉利□□日億□□十方剎化度旣懷慈愍爲
濟苦難而乃下生人間如當□來之彌勒也雖久成
於佛道而再示於修行但□□□□□□□□旣
成諸魔競起回伏外道卽現神通或則納須彌於芥
子之中或則引滄海於蹄□之內或在祇樹之□□
居靈鷲之山爲六趣眾生說三乘教法以火宅爲譬
喻之體以化城爲止息之程以親友衣裏之珠□土
□□□□□□□□無上□菩提開八方法門
演□□因緣隨其根性示其方便解苦縛拔眾邪爲
□之法王爲人之慈父□常在世恐生憍恣厭怠之

心故現涅槃盤俾懷慕戀渴仰之意如狂子之父實在
而言死但天人之師□□□□□□□□倒□□□
□□是造塔起八萬四千此土□一十九所塔是其
一數也既覩支提之相回興思慕之心所表真□以
存像法而後風摧雨擊古往今來同賴罕堵之形微
有定基之址荆棘生焉□□踐焉乃有比邱自□□
□俗□法出家□□□石之堅□□□柏之操行頭
陀之行衣布弊之衣知生老死□之身非爲究竟以
柔和善順之道是□恆常舉步不離於道場出言皆
合於典教慈能恤物直不妄談觀此古基回發大願

既立崇修之誓爰虔□□誠而則募有緣□□□
□□□□□□□□至誠感神惟德是輔乃得維那
戮力檀越齊心而復史公清河公太夫梁氏郡夫人
劉氏各捨淨財共崇勝事自大周廣順三年癸丑歲
興工至顯德元年甲寅歲畢功不□二載□成□塔
□身高一百尺相輪高二十三尺縱廣相稱層層離
地岌岌聳空雖不至於梵世而已□於雲漢上穿紫
霧傍惹紺煙寶鐸撼清風金輪燦白日億人始睹疑
阿育之初興四眾乍觀謂多寶之再現繇是□徒霧
集俗土雲屯懈怠者向此迴心追慕者於茲墮淚盤

陳法喜爐熱栴檀歌唄之韻齊興鐃鈸之音相續或
燃一口口捨全身翼翼傾心種種供養但觀是相如
對先佛以斯諸眾皆是宿緣於恆沙塵劫之前已曾
親近在五濁口世之內方得見瞻故立宰堵波以表
菩提相彼干祿之士勿謂直上之丹梯斷鼃之流勿
謂擎天之獨柱有諸佛口口諸天人每結精誠時來
巡禮奈何流俗不起敬口故童子取沙猶成佛道支
公建塔何量殊目在其口口及諸口或捨力或施財
或口言轉勸於多人或潔已口崇於勝果凡施績效
皆獲福緣故作善降之百祥作不善降之百殃口口

尙標佛語非口故經云若有善男子善女人過佛塔
寺大乘經典新者布施供養瞻禮讚歎恭敬合掌若
遇口者或毀懷者修補營理或獨發心或勸多人同
共發心如是等輩三十生中當爲國王檀越之人當
爲轉輪王還口口法教口諸小國王口口更能於塔
廟前發口向心如是國王乃及諸人盡成佛道以此
果報無量無邊又云若人於塔廟寶像及畫像以花
香幡蓋敬心口供養或有人禮拜或復但合掌乃至
舉一手或復小伍頭以此供養像漸見口口佛自成
無上道又云入於塔廟中一稱南無佛皆以成佛道

此蓋金口所宣寶藏所貯但陳斯述皆案教文於戲
當濁惡世口夢口身急急自修分分口口若見是塔
但設恭敬作禮尊重必獲回果此是釋迦牟尼佛眞
身舍口口塔也恐眾未達故再直書勿生輕慢勿起
毀訾苟發謗言必墮惡道願希多士俯聽誠口允平
雖處儒門粗親釋教知佛法是歸依之地知此身非
究竟之途苟利養之所拘在增修之靡怠恆願當當
來世長作沙門漸漸積功冀覩口口口口諸拔擢
卽口出離前歲爰承辟命倅彼懷覃今則旋奉奏章
佐於安陸口口隨口旌旆離郡經田幸口鄙愚獲瞻

口妙遂見他山之石未有文告之辭雖揣荒虛曰許
撰施每於公退乃作斯文口思臨牋對色絲口口愧
成章絕筆想披錦以增慙泊著拙辭未攄佳歎爰徵
典實遂成銘焉

我佛釋迦辯才卓犖以慈修身成等正覺慙念沉淪
勢力拔擢化世非世口學無學於三千界化百億身
昇高寶座轉大法輪教諸菩薩泊諸天人俾成善果
使就良因爲大因緣出現於口脫其苦縛拔其苦濟
愚者根鈍貪愛自蔽爰開便門而顯大勢示其火宅
現其化城初口口法誘彼口口後諭口車恣彼遊行

復如大樹枝葉芳榮久住世間恐生厭怠故現涅槃
俾其追□但謂滅度焉知實在常居鷲嶺劫壞不壞
佛之出世如優曇華佛之壽量如恆河沙故□□滅
但遣□□既知難遇□種善芽舍利爰存國王建王
造八萬塔安十方土瞻禮妙軀憶念慈□焚香如雲
泣淚如雨日往月來自今及古塼石□壞荆棘成林
曙旦煙合春殘草深□□雖在□□□□□高僧
法名自悟道行淳實□□堅固□談直言身衣鹿布
目睹隳基遂發□□既宜誓願再構修崇勸募多士
興建眾功頭頭教化事事親躬其心惟一其道克隆

自癸丑年至甲寅歲□□爰成厥功畢製岌岌妙形
巍巍大勢雲鶴難逾斗牛欲蔽縱廣正等稱其崇□
紅日才照金輪顯昭清風旣至寶鐸重搖煙濛碧蓋
霧覆殷綃聳踊凌空稜層峭拔□道□衝雲衢上□
□□華嶽右對扶桑前臨少室後據太行表剎旣興
天人下禮每設一拜俱投五體□聖萃臻圍繞階陛
肅肅虔虔雍雍濟濟造者果就禮者福全慕天生天
所述□□□出祕典至□直宣繁辭俱剪嗚呼眾流
慙懃崇善慎勿毀咎慎勿嗤噉旣興寶塔爰立貞□
□□鼎肩身壓元龜功惟廣大文不珍奇但紀勝事

千載不隳

佛功德海歎莫能□□搜□文復爲偈曰

□□大聖尊濁世中出現能化百億身非論十八變
欲調庶彙情先與羣魔戰法鼓震祥雲□□□電
眾生業重身幾個遭逢見□緣聞佛名□□觀佛面
久居在世間□眾懷厭賤是故現涅槃盤□□慕戀
皆爲實滅度豈識真方便□□靈鷲山或游沙界徧
國王得舍利造塔餘八萬劫□□□此□重修建
一心構勝緣□載□宏願表刹旣興隆善緣□□□
□志切修崇虔誠禮供養□□□主□獲皆無量

果位從此興菩提漸無上今告眾人願欽眾妙相
所陳簡直辭□□□□無非居因緣無非居典則
審諦聽是言勉勵植眾德願同□□□當來遇彌勒

武陟
縣志